

S'ISCH SOWEIT Text und Musik: Günter Auch

Wann du nohocksch, weil dein Bauch grimmt. Wann du nausgucksch, un dein Kopf glimmt.
Wann du schbiersch, dass jetzt dei Hern spinnt. Dann isch's soweit, ja jetzt isch's soweit.
Wann du merksch, dass dei Kraft nochlässt. Wann du schwitzsch un dei Hemm durchnässt,
Wann aus Nas unn Mund des Blut rinnt, dann isch's soweit, ja dann isch's soweit.

Dann kummt die bittare Zeit, wu nix meh weidageht.
Alles geht zugrund, bis dann zum Schluss koin Wind meh weht.
Mach dich dann bereit, weil dein Schepfa pletzlich vor dir steht.
Endzeit, Bosheit, Krieg un Leid, alles isch zu spät.

Wann dein Nachbar all sei Messa schleift, Wann da Pfarra dreckicha Lieda pfeift.
Wann die Turmuhr dreisich Schläg macht, dann isch's soweit, ja, dann isch's soweit.
Wann die Kinna um's letschde Feia danza. Wann die Alda blos noch Gras un Shit oopflanza.
Wann die Weld sich pletzlich rickwärts dreht, dann isch's zu spät, ja, dann isch's zu spät.

Wann sie's Jesuskreiz vakehrt rum henge, wann Hass un Neid die Menscha treibt,
Wann des Fiewa imma weida steigt, dann isch's soweit, ja, dann isch's soweit.
Wann em Meer die Leid vasaufa, Chrischda un Muslime um ihr Vorrecht raufa.
Wann bloos noch Ängst un Depressiona vableiba. dann isch's so weit, ja dann isch's soweit.